

## Gebet vo an Farisäer

Doldi  
socht der zu mir  
ich hobna doch gor nix geto  
schauna netamol o  
wie ich des spür  
wenn der socht Doldi zu mir  
  
und dazu is der  
der allerletzt Schieß  
und mir der Gmaarot scho gwieß  
und im Sportverein bini Kassier  
obä der socht Doldi zu mir  
  
mei Familie is in Schuß  
die Kinnä pariern  
mei Fraa tut an Haushalt führn  
es laft alles wies muß  
weil ich kommandier  
doch der do socht Doldi zu mir  
  
und im Kärngrät bini aa  
ghör zu denan die in der Prozession  
an Himml derfn trong  
des senn fei bloß vier  
und doch socht der Doldi zu mir  
  
Herrgott etz red amoll du  
konnst du vielleicht über mich klong  
ich find nix  
und wenni do no solang sinnier  
obä worum  
socht der donn Doldi zu mir.

## Spruch

Dummheit und Stolz senn es glücklichst  
Ehepoar.

